

**IJTIMOYIY HIMOYA TIZIMINING SAMARADORLIGI VA MAQSADLILIGINI  
TA'MINLASHNING ZARURATI****Mirzajanova Dilnoza Abdullajonovna***O'zbekiston Respublikasi Bank-moliya akademiyasi magistranti***MAQOLA  
MALUMOTI****ANNOTATSIYA:****MAQOLA TARIXI:***Received:19.08.2025**Revised: 20.08.2025**Accepted:21.08.2025***KALIT SO'ZLAR:**

*ijtimoiy himoya,  
samaradorlik, pensiya,  
moddiy yordam,  
nogironlik nafaqasi,  
ijtimoiy ko'mak.*

*Ushbu maqolada O'zbekistonda bozor iqtisodiyoti sharoitida olib borilayotgan ijtimoiy islohotlar, ijtimoiy siyosatning ahamiyati va aholining ehtiyojmand qatlamlarini qo'llab-quvvatlash borasidagi chora-tadbirlar tahlil qilinadi. Aholining ijtimoiy himoyasini ta'minlashda pensiya, nafaqa, ijtimoiy yordamlar, sog'liqni saqlash, ta'lim, va turmush sharoitlarini yaxshilash bo'yicha davlat tomonidan keng ko'lamli ishlar amalga oshirilmoqda. Prezident farmonlari, "Taraqqiyot strategiyasi" va boshqa dasturlar asosida aholining daromadini oshirish, ishsizlikni kamaytirish, tadbirkorlikni qo'llab-quvvatlash, nogironligi bo'lgan shaxslar uchun imkoniyatlar yaratish bo'yicha tizimli islohotlar olib borilmoqda. Ayniqsa, manzilli yordam, mikrocreditlar ajratish va mahalla tizimi orqali fuqarolarga bevosita yordam ko'rsatish ijtimoiy siyosatning asosiy yo'nalishiga aylangan. Shuningdek, "Nogironligi bo'lgan shaxslarni qo'llab-quvvatlash tizimini takomillashtirish" bo'yicha 66 ta chora-tadbir belgilangan bo'lib, ular ijtimoiy tenglik, imkoniyatlar yaratuvchanligi va inson huquqlarini ta'minlashga qaratilgan. Mazkur islohotlar xalq farovonligini oshirish, jamiyatda ijtimoiy*

---

*barqarorlikni ta'minlash va adolatli rivojlanishga  
erishishga xizmat qilmoqda..*

Bozor iqtisodiyoti sharoitida respublikamizda olib borilayotgan iqtisodiy islohotlar markazida ijtimoiy siyosat turadi. O'ta muhim hisoblangani bois ular nafaqat ijtimoiy jihatdan, balki iqtisodiy sohalarining rivojlanishi, ishlab chiqarish va iste'mol doirasining kengayishi hamda aholi daromadlarining oshishi uchun konseptual ahamiyat kasb etadi. Izchil yuritilgan ijtimoiy siyosat aholining ijtimoiy himoyaga muhtoj qatlamlariga – kam ta'minlangan va nochor, yosh bolali va ko'p bolali oilalarga, qariyalarga, nogironlarga, ishsizlarga moddiy jihatdan yordam (pensiya, nafaqa, yordam pullari, reprodaktiv tibbiy yordam) ko'rsatishigagina emas, balki ularning turmush tarzi yaxshilanishi va farovonlanishiga ham olib keladi.

Yurtboshimiz Shavkat Mirziyoyev ta'kidlaganlaridek, "...biz ijtimoiy sohada aholi salomatligi, onalik va bolalikni muhofaza qilish, dori vositalari bilan ishonchli ta'minlash, jismoniy baquvvat va ma'naviy jihatdan sog'lom avlodni kamol toptirish masalalariga alohida ustuvor ahamiyat bermoqdamiz" (O'zbekiston Respublikasi Prezidentining "Mamlakatimizni 2016 yilda ijtimoiy-iqtisodiy rivojlantirishning asosiy yakunlari va 2017 yilga mo'ljallangan iqtisodiy dasturning eng muhim ustuvor yo'nalishlari"ga bag'ishlangan Vazirlar Mahkamasining kengaytirilgan majlisidagi ma'ruzasi.- "Ishonch" gazetasi. 2017 y., 17 yanvar).

Jamiyatning umumiy farovonligini, gumanitarlashtirish darajasini oshirish va inson huquqlarini himoya qilish, fuqarolarning mehnat va turmush sharoitlarini yaxshilash, aholining kam ta'minlangan qatlamlariga yordam ko'rsatish va ularni qo'llab-quvvatlash: bolalar, onalar, keksalar, yetimlar, nogironlar, qochoqlar, ishsizlar va boshqalarni manfaatlari orqali boshqarish ijtimoiy siyosatning asosiy vazifalari va muhim tamoyillaridan hisoblanadi.


Aholini ijtimoiy himoyalashda va turmush tarzini oshirishda kichik biznes va tadbirkorlikni rivojlantirish va pul daromadlarini ko'paytirish muhim ahamiyat kasb etadi.

Shuningdek, aholining kam ta'minlangan qismi daromad manbaiga ega bo'lishi uchun o'z-o'zini band qilish maqsadida davlat tomonidan ularga mikrokreditlar ajratish va bu toifadagi har bir oilaga bir boshdan qoramol, qo'y, echki, tegishlicha tovuq berish ham zaruriy masalaga aylanmoqda. Bunda banklar tomonidan kreditlash va bank-moliya sohasidagi faoliyatlar muhim ahamiyatga ega.

E'tirof etish kerakki, mintaqalar kesimida aholining kam ta'minlangan qismi, ularni ijtimoiy himoyalash masalalari statistik jihatdan yetarli darajada o'rganilmagan. Shu sababli ham hududlarda aholining kam ta'minlangan qismiga ijtimoiy yordam ko'rsatish jarayonida mavjud bo'lgan nazariy va amaliy muammolarni hal etish va statistik jihatdan baholash dolzarb masalalardan hisoblanadi.

Olib borilayotgan islohotlar samarasini yanada oshirish, davlat va jamiyatning har tomonlama va jadal rivojlanishi uchun shart-sharoitlar yaratish, mamlakatimizni modernizatsiya qilish hamda hayotning barcha sohalarini liberallashtirish bo'yicha ustuvor yo'nalishlarni amalga oshirish maqsadida 2022 yil 28 yanvardagi Respublika Prezidentining PF-60-sonli farmoni qabul qilindi. Bunda 2017 – 2021 yillarda O'zbekiston Respublikasini rivojlantirishning beshta ustuvor yo'nalishi bo'yicha "Harakatlar strategiyasi" ishlab chiqildi ([www.Lex.uz](http://www.Lex.uz), O'zbekiston Respublikasi Prezidenti "2022 - 2026 yillarga mo'ljallangan Yangi O'zbekistonning taraqqiyot strategiyasi to'g'risida" gi ning 28.01.2022 yildagi PF-60-son Farmoni).

Taraqqiyot strategiyasida aholiga majburiy ijtimoiy kafolatlarni ta'minlash, kam ta'minlangan oilalar sonini va aholining daromadlari bo'yicha farqlanish darajasini yanada kamaytirish yuzasidan to'rtinchi ustuvor vazifa – ijtimoiy sohani rivojlantirishning ustuvor yo'nalishibeligilandi (1-rasm).



**1-rasm. Taraqqiyot strategiyasida belgilangan aholini ijtimoiy himoyalash tizimi va turmush darajasini farovonlashtirishning ustuvor yo‘nalishlari**

*Manba: muallif ishlanmasi*

“Taraqqiyot strategiyasi”ning xalq farovonligini ta’minlash, davlat va jamiyat qurilishi tizimini yanada takomillashtirish, aholi bandligi va real daromadlarini oshirish, ular uchun har tomonlama qulay shart-sharoitlar yaratish, ta’lim va sog’liqni saqlash tizimini isloh qilish, barkamol yosh avlodni ijtimoiy-ma’naviy qo’llab qo’vvatlashga qaratilgan bo’lib, respublikamizning barcha hududlarida amalda o’z aksini topmoqda.

Ijtimoiy muammolarni muvaffaqiyatli hal etish, ishonchli ijtimoiy kafolatlarni yaratish, mehnatning manfaatli bo’lishini kuchaytirish islohotlarni o’tkazish uchun mustahkam ijtimoiy tayanch, ular muqarrarligining garovi bo’lib xizmat qiladi. Shu bois o’ta muhim shunday muammolarni bartaraf etishda fuqarolarning o’zini-o’zi boshqarish organlarining o’rni va ahamiyatini bundan buyon ham butun choralar bilan oshirish, ularni zarur moddiy vositalar bilan yetarli darajada mustahkamlash lozim. Davlat ushbu masalani yechishda mahalla (qishloq) yig’inlariga turli chora-tadbirlari bilan ko’maklashmoqda.

Respublikamizda mustaqillik yillarida aholining ijtimoiy qatlamlarini davlat tomonidan qo’llab-quvvatlashning samarali tizimini shakllantirish borasida keng miqyosli ishlar amalga oshirildi. Keksalar va nogironlarning turmush darajasi va sifatini oshirishga, pensiya ta’minoti va ijtimoiy madad tizimini takomillashtirishga, tizimli sog’lomlashtirishni tashkil etishga yo’naltirilgan bir qator davlat dasturlari ishlab chiqildi.

Yurtimizda shu tariqa har tomonlama puxta huquqiy asosga ega bo’lgan ishonchli ijtimoiy himoya tizimi shakllandi va u amalda o’zini oqlamoqda. Davlat byudjetidan aholini ijtimoiy himoya qilish bo’yicha ajratiladigan moliyaviy mablag’lar miqdorini anchagina oshirish ko’zda tutildi. Byudjetda belgilangan xarajatlardan tashqari, hukumatimiz tomonidan har yili yolg’iz keksalar, pensioner hamda nogironlarni aniq ijtimoiy muhofaza qilish va ularga ijtimoiy xizmat ko’rsatishni yanada kuchaytirishga qaratilgan maxsus qarorlar qabul qilindi.

Mamlakatimizda keksalar, pensionerlar, nogironlar va imkoniyati cheklangan bolalarga tibbiy-ijtimoiy yordamni tashkil etish tizimi ham yaratilib, aholining ehtiyojmand qatlamlarini manzilli ijtimoiy himoya qilish davlat siyosatidagi ustuvor yo’nalishlardan biri sifatida belgilangan. Nogironlarni davlat tomonidan qo’llab-quvvatlash, ularning hayot sifatini yaxshilash, tibbiy-ijtimoiy yordam berish tizimini yanada takomillashtirish, ta’lim olish va ishga joylashishida ularga har tomonlama ko’maklashish maqsadida mamlakat Prezidenti tomonidan 2017 yil 1 avgustda “Nogironlarni davlat tomonidan qo’llab-quvvatlash tizimini yanada takomillashtirish chora-tadbirlari to’g’risida”gi farmoyishi ([www.lex.uz](http://www.lex.uz). O’zbekiston Respublikasi Prezidentining 2017 y 1 avgustdagi “Nogironlarni

davlat tomonidan qo'llab-quvvatlash tizimini yanada takomillashtirish chora-tadbirlari to'g'risida"gi farmoni.), shuningdek, 2017 yil 1 dekabrda "Nogironligi bo'lgan shaxslarni davlat tomonidan qo'llab-quvvatlash tizimini tubdan takomillashtirishga doir chora-tadbirlar to'g'risida"gi PF-5270-sonli farmoni ([www.lex.uz/Pages/Getpage](http://www.lex.uz/Pages/Getpage). O'zbekiston Respublikasi Prezidentining PF – 5270-sonli farmoni.) qabul qilindi. PF-5270-sonli farmonga muvofiq "nogiron" atamasiga "Nogironligi bo'lgan shaxs"dan foydalanish taklif qilinmoqda. Unda shuningdek, BMTning nogironlar huquqlari to'g'risidagi Konvensiyasini ratifikatsiya qilish zarurligi qayd etildi. "O'zbekiston Respublikasida nogironlarni ijtimoiy himoya qilish to'g'risida"gi qonun asosida esa "Nogironligi bo'lgan shaxslar huquqlari to'g'risida"gi qonun ishlab chiqiladi. Bundan tashqari, nogironligi bo'lgan shaxslarni ijtimoiy qo'llab-quvvatlash maqsadida kelgusi yilda qo'shimcha ravishda qator chora-tadbirlar va loyihalar qabul qilinishi ham ko'zda tutilgan.

Ishlab chiqiladigan yangi qonunga ko'ra:

- nogironligi bo'lgan shaxslar uchun moslashtirilmagan yo'lovchi transportini xarid qilish taqiqlanadi. Shuningdek, nogironligi bo'lgan shaxslar uchun moslashtirilgan, shu jumladan, qayta jihozlash imkoniyati bilan avtotransport vositalarini ishlab chiqarish boshlanadi;

- nogironlik berish va nogironlik bo'yicha pensiya to'lash tartibi mezonlari qayta ko'rib chiqiladi. Bu yo'nalishda xalqaro standartlarga o'tish amalga oshirilishi kerak;

- oliy ta'lim muassasalarida nogironligi bo'lgan shaxslar uchun kvotalar joriy qilinadi ([www.norma.uz/ma'lumotlariga](http://www.norma.uz/ma'lumotlariga). 2017 yil 1 dekabrda "Nogironligi bo'lgan shaxslarni davlat tomonidan qo'llab-quvvatlash tizimini tubdan takomillashtirishga doir chora-tadbirlar to'g'risida"gi farmoni.);

Xullas, bu maqsaddagi loyiha nogironligi bo'lgan shaxslarni qo'llab-quvvatlash tizimini takomillashtirish va ularning huquq va erkinliklari kafolatlarini kuchaytirish bo'yicha kompleks chora-tadbirlar dasturini o'z ichiga oladi. U 4 ta asosiy yo'nalish bo'yicha 66 ta chora-tadbir amalga oshirilishini ko'zda tutadi:

I – nogironligi bo'lgan shaxslarning hayot sifati va darajasini oshirish;

II – nogironlikni profilaktika qilish, nogironligi bo'lgan shaxslarga tibbiy-ijtimoiy yordam va ijtimoiy reabilitatsiyaning samaradorligini oshirish;

III – nogironligi bo'lgan bolalarni tarbiyalash, ularni talab bo'lgan kasblarga o'qitish tartibini takomillashtirish, nogironligi bo'lgan shaxslarni maxsus kasbiy tayyorlash va yangi kasblarga qayta tayyorlash, shuningdek, ularni ishga joylashtirishga yordam berish;

IV–tibbiy-ijtimoiy muassasalarni moddiy-texnik jihozlashni yaxshilash, nogironligi bo‘lgan shaxslar foydalanishi uchun imkoniyati bo‘lgan va qulay muhitni ta‘minlash.

O‘zbekistonning ijtimoiy yo‘naltirilgan bozor iqtisodiyotiga o‘tish konsepsiyasida yangi shakllantirilayotgan iqtisodiyotning asosiy belgilarini ilmiy izohlagan holda, ularni shakllantirish yo‘llari yoritib berildi. Mazkur konsepsiyada ijtimoiy sohalarni rivojlantirish va aholining keng qatlamlarini, eng avvalo, nochor guruhlarini ijtimoiy himoyalashni ta‘minlash chora-tadbirlarini ko‘rish zarur, deb qaraladi. Chunki, mamlakatdagi ijtimoiy barqarorlikka davlat ijtimoiy siyosatining yo‘nalishlari orqali erishilishi ma‘lum.

Har bir davlatda ijtimoiy siyosatning o‘ziga xos xususiyatlari mavjud bo‘lib, ularning natijalari ham turlicha ahamiyat kasb etadi. Mamlakatimizda esa olib borilayotgan kuchli ijtimoiy siyosatning quyidagi tomonlariga alohida e‘tibor berib kelinmoqda:

- iqtisodiyotning ijtimoiy sohasini, ijtimoiy infratuzilmani rivojlantirish;
- ta‘limni, sog‘liqni saqlashni, sportni rivojlantirish bo‘yicha dasturlarni amalda tatbiq etish;
- ishsizlikka qarshi kurashish, mehnatga qobiliyatlarini ish joylari bilan ta‘minlash muammolarini yechish;
- kam ta‘minlangan oilalarni kuchli ijtimoiy himoyalash.

O‘zbekiston Respublikasi davlat ijtimoiy ta‘minoti - fuqarolarini keksayganida, kasallanganida, mehnatga layoqatlilikini qisman yoki butunlay yo‘qotganda, boquvchisini yo‘qotganida, shuningdek, bolali oilalarni moddiy ta‘minlash va ularga xizmat ko‘rsatish davlat tizimidir.

### **Foydalanilgan adabiyotlar**

1. Yefimova O.V. Finansoviy analiz: sovremenniy instrumentariy dlya prinyatiya ekonomisheskix resheniy. /usheb. / O.V. Yefimova. - 5-ye izd., ispr. - M.: Omega-L, 2014. - 348s.
2. Kazakova N.A. Finansoviy analiz. /usheb i praktikum / N.A. Kazakova. - M.: Yurayt, 2014. - 539 s.
3. Brealey R.A., Mers S.S. Principles of sorporate finanse. McGraw-Hill, 2003.
4. Kumri Nomozova. Organizational and esonomis modeling of the system of interregional industrial sooperation as a sontrol object. Proseedings of the 7th International Sonferense on Future Networks and Distributed Systems. 2023. – p. 333-343.
5. Kumri Isoyevna Nomozova. Problems of sesurity of esonomis and esological

systems in the countries of the central Asian Region. International Conference on Next Generation Wired/Wireless Networking. 2023. – p. 177-195.

6. Kumri Nomozova. Evolyutsiya teorii predprinimatelskogo riska v rabotax vidayushixsya ushenix proshlogo. Peredovaya ekonomika i pedagogicheskie texnologii. 2025. – s. 581-587.

7. Nomozova Qumri Isoevna. Tadbirkorlik faoliyati bilan bog'liq risklarni sug'urta vositasida boshqarish usullari. Straxovoy rinok Uzbekistana. 2024. - 4-7 b.

8. Kumri Nomozova. Mikrostraxovanie kak innovatsionniy mexanizm upravleniya riskami malogo biznesa. Ekonomicheskoe razvitiye i analiz, 2024. - s. 338-345.

9. Qumri Nomozova. Biznes risklarini sug'urtalash: zamonaviy sharoitlarda asosiy turlari va ularning xususiyatlari. Moliya va bank ishi. 2024. – 44-48 b.

10. Qumri Nomozova. Moliyaviy hisobotlar va ularni tuzish va auditorlik tekshiruvidan o'tkazishning uslubiy jihatlarini rivojlantirish. Yashil iqtisodiyot va taraqqiyot. 2024.

11. Qumri Nomozova. O'zbekistonda tadbirkorlik tavakkalshiliklari sug'urtasini rivojlantirish istiqbollari. Straxovoy rinok Uzbekistana. 2024. – 7-10 b.

12. B.E.Toshmurodova Korporativ moliya strategiyasi– T.: "Iqtisod- moliya", 2013. – 128 b.

13. Vahobov A.V., Malikov T.S. Moliy. Darslik. – T.: "Sharq", 2010. – 804 b.

14. Van Xorn D.K. Osnovi upravleniya finansami/ D.K.Van Xorn; Per.s angl.; Gl. red. serii Y.V.Sokolov. -M: Finansi i statistika, 1996. - 800 s: il.

15. Publis Finance: A Contemporary Application of Theory to Policy, Tenth Edition. David N. Hyman. 2010, 2011 South-Western, Sengage Learning

16. Malikov T., Jalilov P. Byudjet-soliq siyosati. –T.: "Akademnashr", 2011. – 472 b.